



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五五二

來雉齋詩集四卷 黃盛修撰

一

抱璞齋詩集四卷 汪喜荀撰

六七

汪孟慈文集不分卷 汪喜荀撰

九一

抱璞齋時文不分卷 汪喜荀撰

一二九

壺庵詩二卷壺庵駢體文二卷 吳清皋撰

一四五

二知齋文鈔四卷二知齋詩鈔四卷 易鏡清撰

一七七

曇雲閣集十四卷（詩集八卷外集一卷詞鈔一卷詩附錄

二卷詞續刻一卷詩集補遺一卷） 曹楫堅撰

二八五

柏枧山房全集三十一卷（文集十六卷文續集一卷詩集

十卷詩續集二卷駢體文二卷） 梅曾亮撰

四六九

道光戊申

來雉齋詩集

林鴻書

吾鄉詩人昔日如尤水邨布衣詹石渠孝廉皆
海內尤以雄健勝詹以幽峭勝黃君竹雲則兼

故爲兩先生所期許早年往來江淮間自樹一幟雖力
追少陵而不落明七子窠臼當時見者無不傾倒及其
駢車薊北泛棹越東歷境愈窮寫景愈真變幻離奇老
氣無敵誠不求工而自工矣勲少時讀書郡城間與唱
和尙不屏爲門外漢厥後簿書碌碌吟詠遂輟丁酉春
罷守廉州憂患之餘仍復肆力于詩自覺較前稍進因
取少作芟其綺麗者留二卷客中得和陶一卷雜詩一

來雉齋詩集序

卷擬攜歸就正竹雲孰意勲廢而竹雲亦歸道山矣越
年秋暮自粵僑寓邗上晏子彤甫新改庶常歸里以來
雉齋遺集見示是集爲劉君念樓刪選梅君蘊生金君
禹谷點定精善已無遺義第勲與竹雲交最早知其性
情亦最深雨窗讀數過不揣謬妄別爲去取以歸晏子
今春吾姪研秋奉諱攜是集回謀付剞劂蓋姪曾從之
遊慨念師一生心血若再蹉跎恐不數十年將與草木
同朽矣勲聞之始而慙然繼而欣然嗚呼知我者竹雲
竹雲之詩勲未及梓而姪竟梓之是能全勲之報知我

者其惟姪乎勳亦可以告知我而無憾也夫道光丁未嘉平月茶心厲同勳謹序

來姓齋詩集

序

二

來姓齋詩集題詞

三

竹雲詩格高韻遠根於性情得風雅之旨深之以歲月鑠古而傳後無疑也聞竹雲平日極心折黃仲則詩音汪容甫謂仲則爲天才僕爲清才僕固不敢承然其論仲則則無愧斯言竹雲獨賞仲則詩則竹雲之詩可知也大率仲則詩不受古人牢籠者若時下氣習固未一毫薰染所以獨異因讀竹雲詩故論及之未知有合於竹雲論詩之意否嘉慶庚午正月上元後十日同里詹肇堂

來姓齋詩集

題詞

一

竹雲詩性情極正涉法又高綜唐宋大家而得其真氣毫無綺靡之習盛年如此進何可量嘉慶乙亥中秋月汀州伊秉綬

古人詩濃處易學澹處難學工處易學拙處難學竭力殫思學其濃者工者似矣而失其全神明七子於唐賢正坐此病黃子詩於唐人獨窺其奧而於其澹處拙處亦酷肖之此才不易及勿徒賞其攻堅拔幟處也嘉慶乙亥新秋同里汪端光

得天之慧奪古之靈氣息非凡近所能習一字一句無

不堅定渾成固知入古之高深九見學古之精細端光再識

來雉齋詩集

題詞

二

揀選知縣黃君傳

甘泉汪喜孫撰

君諱盛修字永思號竹雲儀徵人曾祖文洙祖德縉鄉里稱長者父日時爲縣吏主刑獄有訟者輒勸誠之訟日簡家日貧縣令寵異之謂其後必昌君初受學於沈都轉業富於時侍郎莫公督學江蘇試第一入學爲附生尋侍郎玉麟公督學江蘇復試第一食廩餼肄業安定講院時吳祭酒錫麒賞之後肄業梅花講院洪太守梧亦賞之均有國士無雙之目君來郡城主喜孫家時喜孫涉獵羣籍君肆力於顏平原書下及乾隆間劉文來雉齋詩集

傳

一

清公遺蹟縱情詩酒喜遊名山水留連忘反所至交其賢豪喜孫日與之遊詣力所到各成其學君三十以後氣益豪交遊益廣亮節慷慨率性而行生平所善死生不渝以是知名於時喜孫少時病弱一夕聞金鼓聲眼眩不已君持手達旦迨二十年後君病疫使使至寶晉講院延喜孫督飭喜孫先期往蕪湖竟不及處方悲夫先是先妣自京師歸親族罕過問君數數問寢膳迨喜孫再奉先妣入都士大夫製詩文上壽君詩述先妣割股療姑事甚核君計偕北來喜孫請君爲狀以達於禮

邵未果君事先妣如母先妣視之猶子君試禮部值先
妣之喪君哭之痛迎喪還里送出城聞者惟君一人追
歸葬君爲先妣營葬凡三日不寐喜孫昔曾爲君之先
公所賞嘗訪醫主于君家公送喜孫至石橋墜馬又行
十里依依不忍別喜孫自京歸里公已棄世喜孫思以
斗酒隻雞哭奠公墓通延未行君約喜孫謨公行狀亦
未成兩家風義沒世不忘聞君之喪不知淚之何從也
歲辛巳君受知湯尙書金釧舉江南鄉試揀選知縣生
於乾隆五十一年四月二十九日歿於道光十四年五
月九日春秋四十有九葬儀徵清水橋東家塋側子二

來雉齋詩集

傳

二

治策附學生治第幼女二君之先公壻於嚴嚴大母無
子老於君家君奉事甚謹君之父母慈以畜君君克盡
孝養君之婦鄭孺人亦善事舅姑先君沒君妹未嫁守
貞撫兄子有恩君一門孝義積善未報命也君居家凡
有益於鄉人者知無不爲不避嫌怨同學李祝其太夫
人卒雪夜治棺以殮之君行義類此君臨終屬喜孫作
傳乃灑涕而錄之贊曰

荷嗟黃君勇於爲人直行無撓孝乎惟孝友於朋友君

於人何鶴羣之矯矯豪筆傭書更三十年曾不一飽來
視君孤字君之女孰如管鮑

來雉齋詩集

傳

三

來雉齋詩集卷一 戊辰至甲戌

儀徵黃盛儀題

龍王廟樓觀大江風浪

古刹樓頭高百尺長江對我一開樽
天風捲地羣山動落日橫空萬馬奔
不盡滔滔流晝夜似將浩浩渾乾坤
檻前無限帆幘轉咫尺波濤未可論

初五夜立秋作

酷暑蒸霖雨江淮正早乾
米鹽愁市貴貧病感家難
況爾新秋至初驚清露寒
淒淒不成寐一葉夜鳴欄

來雉齋詩集卷一

秦淮絕句

臘粉殘金弔六朝秦淮月夜尙吹簫
可憐幾樹垂楊柳不管興亡來去潮

秋聲

萬籟悲天地商聲何處尋
蕭騷摧壯志搖落入秋心
颯颯來虛牖淒淒有薄衾
如何當此際破夢正枯吟

燈草

同借春風力休言體太輕
寸心挑不盡一點却能明
烟向空中裊花從夜半生
燒殘灰尙熱憐爾最孤清

臘日腰鼓歌東汪吟石丈 榮懷

瘦年欲盡催肥冬戊臘辰臘非同同閭閻萬寶足倉廩
休息端合歸三農月涂剛逢日之八鄙人逐疫爭牛從
畫袴朱衣狀神鬼儼如雛母兼雛公一人塗面爲力士
一人執盾爲驍雄一人逐隊爲俚子一人作戲爲護童
嘈啐之中聽荅臘其聲直播鄰西東不須大鼓用小應
繫以腰下撾三通幼者束髮散冬學老者黃襖扶枯筇
烹羊擊豕酌春酒少長進退生禮容陶然大醉各歸去
人影亂踏斜陽紅江淮水災猶未息吾鄉幸得邀年豐

來雉齋詩集卷一

急呼畫師吟石老爲余一幅圖幽風

與友人客牕夜話

作客俱不久翻然多苦辛
那堪空館夜相對未歸人
風雪催殘臘江天逼早春
牀前猶有酒醉後見情真

準提庵看梅遇友人

舊港橋西曲徑深白雲飛處指檀林
數間僧舍闌興廢一樹老梅空古今
如此春光宜縱飲況逢佳客助高吟
吾生亦有清修意明月孤山印此心

準提庵觀梅吟石丈醉後作老梅圖詩紀其事

白雲直向寒林飛僧家日日招清暉空山老鶴養真色

清夢驚起梅魂歸此菴昔日憐焦土梅亦曾經爨下苦

撐空枯幹十餘年皮骨蒼蒼花忽吐繁枝自此生雲堆

一枝一折環復迴江上春風破顏色游人多駐臨卽杯

看梅我亦有此癖今年重覓荒苔迹吟石先生飽看山

羅浮復待江南客

先生始自金陵歸

先生與花良有緣花如一

笑先生前先生謂我須狂飲春色直欲生華巔對花一

拜飲一斗難得此花復此酒廣平援筆寫鐵心先生大

呼落吾手不寫皮相只寫神花亦作勢如相迎指頭一

來雉齋詩集

卷一

三

一叅禪理還於石上思三生乾坤清氣落於紙梅魂常

住梅不死展圖索笑同清修願向梅花稱弟子

賦得秋容

秋澄氣象本清奇搖落何須宋玉悲萬物歸真存面目

幾人臨鏡認鬚眉關山客況年年老圖畫天然淡淡宜

謝絕鉛華標淨格休將顏色說衰遲

江上望焦山

天風不可渡江水勢溯奔泉木包山骨空青東海門時

平無埃火夜靜有朝曦瘞鶴銘曾見誰同攝石根

桃花菴

桃花菴外路深港一舟通鷗戲門前水蟬鳴堤上風槐

陰侵戶牖竹影度簾櫳鎮日禪關寂浮生學養空

偶作

相思可奈夢俱慵卷幔湖雲隔幾重郎若他年再相訪

妾家門外種夫容

西谿夜歸

隔江數峰青歸棹西谿路明月影隨人推篷綠陰護鷗

眠驚淺沙漁唱出深樹遙指酒家樓浮橋燈火聚

來雉齋詩集

卷一

四

泛舟城河二首

繞城水不深半篙潭影瀉陰濃不見天此際宜消暑蘆

葦臥淺沙小憩東關下隔谿聞笑聲知有得魚者

蓮香何處花沙岸鴛鴦煖橋低船恰行月上潮初滴水

風吹夢涼燈火照籬短夜靜寂無人誰家弄簫管

飲江上酒樓醉後作歌

我生有癖好看山天公爲我今日江上掃烟雲我生有

癖好飲酒天公使我今日江上酌大斗天風獵獵吹滿

樓俯視江水東南流萬馬怒走海門秋寒潮直捲黃蘆

洲拍手高歌半天墜狂眼無人不解醉青山欲來爭座
中座中酒杯落空翠三斗塵去顏爲開安得長江之水
變作葡萄醅人生三萬六千日此樓但願日日吾能來
吁嗟乎青天明月不可負騎鯨仙人今在否少年倏忽
悲白首富貴功名一杯酒一杯之外何所有

瞽擔水歎

有瞽有瞽來我前杖在手水在肩天乎無罪於爾何冤
朝擔水暮擔水擔水換得市上米一日自食只一餐今
日不知來日難來日難力不起不能擔水當餓死

來雉齋詩集

卷一

五

秋濤行

秋江八月飛寒濤溫汾滌汜浮雲歎江水逆海海上潮
似神非神理不淆初看一白如鵝毛海門欲轉滄溟遙
俄而晴雪空中灑銀山十二齊動搖濤頭軋盤爭嶠嶠
鐵弩射水力不撓魚鼈失勢蛟龍逃怪鳥亂攫驚山魃
有如大旗落日軍門高萬馬颯遡過臨洮上擊下肆猛
士豪揮戈合戰烽烟交又如天公震怒臨重霄迴風掣
電相周遭下視河伯氣則驕長鞭擊之奔海嶠又如丹
樓紫閣懸夢橈中有雷鼓兼雲璈鏗鏘大響非笙匏仙

樂不向人間調又如羣山衆壑翻陰飈夜半謾謾松怒
號老鶴一唳天宇寥驚泉急湍驅煩囂令人恍惚神俱
超澡胸頰髮歸吾曹欲觀水力獨到處須知天地元氣
之所包陰陽開闔競浴浴其聲激壯而飄蕭嗚呼子胥
之靈不可招此間豈有羣靈朝我思古人心鬱陶西風
颯颯吹平臯

秋夜

江雁飛來風滿林蕭蕭落葉下庭陰荒城月白催笳急
老屋燈青入夢深壯志每思存夜氣疎才焉敢抱秋心
鄰雞已唱天將曙枕上聞聲思不禁

來雉齋詩集

卷一

六

秋雨菴

來訪招提界空林有暮蟬谿流喧落葉齋磬入秋烟山
擁荒原外僧歸夕照邊無生如可學薄醉愛逃禪

送厲冠卿

同勳

之京師三首

朋輩家鄉少知心賴此人嘯歌根性厚憂樂識交真月
夜樓頭酒秋江鏡裏身忽聞將遠別暫見總傷神
丈夫當作客我亦欲辭家恐繞高堂夢頻驚雙鬢華同
心期遠道明日奈天涯珍重梅花下湖干月未斜

客館春燈夜聯牀擁溲會鐘聲催短夢曙色入離心清
淚江頭灑新詩馬上吟京華風雨日應念故人深

海陵署齋喜晤裴賓三通守

十三樓下記勾留倏忽旗亭送別秋此日重逢驚壯歲
幾年孤夢繞中州才疎敢擬鄒枚賦交淺誰同李郭舟
美爾酒狂猶似昔深宵剪燭看吳鉤

清晨渡江

橫渡乘風穩孤帆一葉懸魚龍驚海曙星斗落江天枕
上收殘夢波間動曉烟船窗凝眺處擁出日輪圓

來雋齋詩集

卷一

七

由京口之棲霞舟中看山甚佳

三五殘星墮江水布帆纔挂蒼烟起京口曉發早潮生
豁目青山近船尾漸入平川水不流蕭森兩岸菰蒲洲
帆轉路曲得佳境羣山作勢撐高秋腥風獵獵生林藪
耳邊雜沓江聲吼側峯橫嶺各變容石罅驚開雲氣走
乍見一白如鷺毛須臾膚合彌山腰雨來不辨自何處
但看雲山齊動搖一峯露出一峯亂一峯失去一峯換
漫空直挾雨勢飛山耶雲耶各天半我生未見詫絕奇
想是山靈游戲時否則天公索圖幛米家大筆揮淋漓

白雲作陣黑雲集雲氣全堆篷背濕眼前萬象歸混茫
天地陰陽轉呼吸如麻雨脚西忽東波心百尺飛長虹
碧天透露日色薄山山洗出青芙蓉我輩愛山心最苦
要與名山商出處世上風雲會有人好爲蒼生作霖雨
明朝可上最高峯深林謾謾鳴長松定知一枕游仙夢
身在千巖萬壑中

將至龍潭偶成

滿目烟雲入淼茫樵風一路好鳴榔江邊孤鳥憐秋色
天外羣峰駐夕陽沙渚有田皆賦稅山家無樹不青蒼

來雋齋詩集

卷一

八

舟人指點龍潭驛野店燈明夜火涼

與周樂夫

振智 卞光河 土雲

同遊攝山

我家老屋臨江湄此山日日望見之未得挂帆渡江去
夜來清夢天風吹昔時舟行到山脚好循石磴窮攀躋
逸興直欲住十日客途或阻愁篙師今日同輩踐我約
暢游一慰平生思涼風忽然送天末我來七月新秋時
此間人跡實罕到耳邊但聽山鳥啼樵夫導我入幽逕
空翠下滴沾絺衣古寺深藏亂峯裏出入雲氣遮僧扉
清泉白石自相媚古木倒臥紅蘿欹虛堂欲雨長晝濕

陰陰下有蒼龍池萬丈峭壁鑿佛相鬼斧獨造非人爲
六朝古松猶可撫廣徑不止腰十圍蒼皮紫泥盡剝落
老鶴欲下棲枯枝披榛攀藤得佳境盤曲而上心轉危
空洞直入不辨出石罅一線天堪窺最高峯頭瞰江練
寬悸神蕩真險巖轉徑忽下路過半白雲杳渺遺荒祠
明隱君今不可見令人俯仰思匪夷三人樹下此暫息
坐看巖光爲合離庭昏不知日將夕清賞未足同忘飢
他年採藥臥松下定當鎮日秋吟詩

棲霞曉發

來雉齋詩集

卷一

九

早發棲霞寺客行幽夢醒雞聲催落月馬首挂殘星烟
樹遠猶白秋山曉更青晨飈吹不散松桂尚餘馨

永濟寺

客游倦欲歸舟泊秋山曲過橋野色分餘暉戀林麓入
寺竹修修吸起江光淥殿角懸陰崕上有孤雲宿何年
鬼斧工隱轡開面目雨氣生虛堂人聲答空谷舟子爲
我言風利行宜速熒熒燈火深山店沽醺醺

老將行用王摩詰韻

少壯倏忽衰殘時快馬掣電猶敢騎月夜愁聞塞上笳

雄心愧殺關西兒曾經殘壘十餘戰直退荒邊八百師
未肯薄質腐草木且復窮居糝糶藜蘇武持節義尚在
霍光銘功命未奇自古功名圖不朽少年豪氣堪回首
此日刀瘢痛一身當時矢血流雙肘漢兵罷虎過賀蘭
虜騎鯨鯢圍細柳短衣大眼立軍門高冠怒髮森寒矚
貳師才定臙脂山君王親賜葡萄酒歸來回望秦川雲
邊戍風清萬里聞百戰辛勤勵猛士一生功罪歸將軍
猶思日色翻旂影尚餘霜花拂劒文衛生欲覓黃石老
得土嘗依倉海君但欲天下靖烽火不誇銅柱標奇勳

來雉齋詩集

卷一

十

秋日過史閣部祠

城闕秋樹落紛紛閣部祠堂冷暮雲功罪當年歸上鎮
艱難江左仗孤軍古梅猶灑朝衫血疏草空垂拜表文
見說靈旗常出沒邦江嗚咽不堪聞

舟隱歌

有序

嘉慶丙寅秋七月望余與焦子買舟西谿曲達
大江見操舟者年約七十餘鬚髮皓然容貌甚
古叩之乃楚人也自序家世儒業遭徇苗之變
兄弟妻子相失不知所所在遂走江南操舟餬口

洎今十有餘年回訴生平言之悽楚且謂余曰

吾子有可爲當以難進易退爲主幸毋忘邀與

之飲量極豪維時晚潮初上素月欲流雄談開

襟鷗鳥俱狎臨別翁出竹扇贈余余辭弗受翁

曰聊以寄吾意耳及問姓名笑而不答鼓櫂夷

猶以去噫翁殆隱於舟者歟余感翁之言並悲

翁之遇爰作歌補記之時辛未仲秋

蘆中丈人沈冥子坐看浮雲江上起爲我怡然一笑指

吁嗟世事俱如此大丈夫旣不能姓氏垂青史又不能

來雉齋詩集

卷一

十一

撫劍高歌報知己日月蹉跎吾老矣且看長江東下水

人生懷百憂踪跡如磨牛骨肉不自保榮辱將焉求少

年瞬息易白頭仰觀天地空悠悠平生意氣輕王侯洞

庭木落湘水秋九疑縹緲江妃愁層陰千里暮雲合天

風颭颭吹扁舟張帆徑訪乘槎客與子長別江頭石

康山草堂題壁

東來淮水抱城流城內園林此一邱七子風流詩社古

百年人物草堂秋哀絲豪竹樽前感沙鳥風帆檻外收

若說琵琶遷客淚不教腸斷白江州

湖上絕句

湖邊垂柳復垂楊湖上空波繞曲廊
羨爾荷花心不熱未因炎日損紅妝

重晤助教汪質壑先生卽送其歸楚二首

七年驚再見匹馬自燕京
新荷書屏寵羣高奪席名風
塵仍劍策談笑失公卿
猶復垂青眼何殊舊日情

潮生廣陵驛人上洞庭
船歸路秋風早空江落日圓
病多宜種藥身老只參禪
定有巖棲約躬耕買薄田

八月十五夜客中聽雨示樂夫光河

來雉齋詩集

卷一

三

腥風獵獵作海雨海上驪龍珠不吐
陰森曠野無人行

聲聲打濕城頭鼓此時夜欲盡孤客愁
未眠有酒且斟

酌客意翻豪顛醉來萬事等兒戲
拔劍高歌動天地未

肯文章媚流俗丈夫恥下窮途淚
天試我才何苦辛惟

退則進屈則伸榮辱何得見顏色
悲戚或恐傷精神松

柏閱冰霜禽鳥惜毛羽萬物貴自立
與世奚所忤嗟彼

腐儒鳴不平佯狂罵座何經經
千古直道在人世曷不

自鏡思平生二子幡然各大笑
自撫頭顱尙年少豪情

直欲干青霄脫帽開襟相蹠蹠
安得綠玉杖攜登天柱

峯手披雲霧去陰翳明月湧出光磨銅胡爲聽雨齋齋裏促膝雄談差足喜嗚呼吾儕焉可鬱鬱久居此

秋日與吟石丈汪孟慈喜孫鄭竹溪滄厲冠卿遊

余氏江村五首

清秋興不淺同上木蘭船雲樹空江濶山林此地偏柴門分野色村屋聚寒烟不負招尋意翻疑到輞川

羣峯低俯屋野水暗通池崖斷涼雲合橋危獨木支古

苔垂石髮香柏縐霜皮一徑寒蕪色天晴積翠陂

畫檐迴曲曲依樹敞長廊窟室生秋雨空亭倚夕陽江

來雉齋詩集

卷十

十三

光常到楊山色盡過牆復有花菴好鐘聲引興長

步履尋幽趣行行來去頻立橋魚避客穿徑鳥窺人竹

亞過頭杖簾鉤折角巾徘徊情最切撲棗問東鄰

江鄉如此樂半日卽歸橈山暝烟生樹江明風上潮關

河淹歲月身世託漁樵何處營茅舍端居絕市囂

歲暮感懷四首

析木星纏指亥先關河景物逼周年淮南雪擁孤舟夜

江北風高萬里天隱隱棲鳥悲野屋紛紛飢雀下平田

近來枉作依人計兀坐驚寒戀舊瓊

少年結客氣猶存過眼烟雲未可論知已翻疑羊祜葑平生須署翟公門江湖誰贈千金劍身世心懸一飯恩何日長安能躍馬登樓轟飲及朝昏

嗷嗷鴻雁歎羅羅澤國蒼涼竟若何中夜飛星臨斗野朔風吹水下黃河流民轉散仍兒女生計艱難自輒軻可美廣陵裘馬客朱門歌板擁青娥

昔日攤書八詠樓文章零落痛千秋流傳事業羞青史遲滯功名誤黑頭入世未容貧賤傲奉親難作稻粱謀且聽腰鼓東鄰擊緩待春風破旅愁

來雉齋詩集

卷一

十四

懷裴賓三

故人東去拂征衣數載蹉跎計總非猶憶平山秋月好船頭吹笛夜潮歸

洗馬行

水粼粼風蕭蕭秋色西來天爲高飲馬溪頭日欲落驂駟踏森霜毛金鞍玉勒不受縛乃欲出入隨驚濤當其未浴時直射水光眼凝白翻身入水中四蹄迥向蒼波立驕嘶一聲飛霹靂霧鬣風鬣力奔激噴沙漠漠動驚魄勢作千人萬人敵渥洼之水深百尺想見來時出

西極卽令射蛟溽陽側鐵弩收之那可得須臾六合浮
雲開流沙跳出眞龍媒短衣少年好身手牽來八尺非
凡材嗚呼神駒血汗切莫洗仰秣應思馳萬里爾曷不
留取眞形貢

天子

王郎

海上二年別王郎信可哀我同嗟失路爾尙解憐才年
髧秋前草風情笛裏梅茫茫又揮手日落且銜杯

京口

來雉齋詩集

卷一

十五

形勢開吳楚乾坤此戰爭山排青入海江繞白浮城春
雨南朝寺秋風北府兵忽聞吹畫角思古若爲情

雨

萬壑陰雷轉江鳴雨忽來風驅山氣走雲坼日光開鯨
彩臨洲渚龍腥出草萊村村秋稻熟須舉隔籬杯

曉行

疎星挂前林殘月逗東嶺辨茲蒼烟痕識取行人影何
爲孟秋交已覺征衣冷露重凝松楸風微動菱苕郊外
雞聲荒巖際樵歌永夜氣戒勿傷晨光發深省勞者苦

安歸行矣廡所騁回思在山時余懷實耿耿

北極閣瞰元武湖

高閣俯城堞下有元武湖我來一展眺滿湖秋芙蓉波
光互明滅天影涵空虛湖中有五洲迢遞開荒墟烟際
墮來禽沙邊狎歸鳧縵山翠靄積鍾阜輕雲曳長堤夾
城道卉木何扶疎新宮不可見青溪竊且紆但有微颺
來蕭槭吹蒲菰憑欄契高曠蒼蒼日已晡

舟過金山

海門西上鎖重關屹立丹梯未易攀大地魚龍浮柱石

來雉齋詩集

卷一

十六

諸天樓閣倚江山鐘聲飛落波濤外塔影孤懸霄漢間
我欲登臨思戰伐旗旌斜日照朱殷

雜感二首

孟冬常閉戶寒景下高城身世樽前過功名夢裏驚紛
紛齊食客寂寂魯諸生更值艱難日嗟余氣未平

來往蕪城路依人意已闌傳經劉向死裏飯子與難仰
面皆雲雨要盟有肺肝平山堂下水十載淺深看

鳥惜傷弓翼龍存失水鱗況將逢壯歲何以慰衰親媿
說青袍舊愁窺白髮新江東有羅隱休問路旁人

庭前一松移去一株

一株偃蹇高於人形樸氣古完天真一株稍小癯而秀
寒翠森森拂衣袖我常徘徊二樹間讀書長嘯開心顏
三更明月漏清影烏啼寂靜如空山主人爲我語小者
欲移去人生託迹本無常況汝區區階下樹深山大澤
天荒寒留取他年百尺看更有一株標勁節尚可孤撐
傲霜雪

早春漪園偶憩

來尋吟石老信步到柴門曉色籠花氣輕陰接水痕浮
來雉齋詩集卷一

生同嘯傲小坐絕塵喧如此城東地何當學灌園

久旱望雨不至

火雲亂捲炎風行日輪欲墜仍上升老龍沈淵困宛宛
玉虎入穴遲鈴鈴迎梅送梅課不驗陰石陽石鞭何曾
蔓草半萎少熠燿積水已涸無焦明時未入暑氣頗酷
萬物欲化焦枯形昨聞山農掘土井得泥一斗水一瓶
翻車懸壁牛臥棚那能救得良苗生縣官轟然播大鼓
皇天不鑒其精誠火烈素已異子產水嗽焉可求樊英
書生無田亦望歲雖少官守千愁并余居齋館地近市

僞聽鄰舍調竿笙畏沸譬若鼎內鼃觸熱笑彼盤中蠅
口焦舌燥酒渴後更闌露坐觀繁星昨歲赤眉走齊趙
民氣未復穀未登上帝降災警聾聵禍所自召當糾懲
時艱何可再飢饉嗟嗟淮海同呼庚安得泰山雲觸石
兼爲蒼生一洗兵

漢射陽石門畫象歌贈汪孟慈

射陽古縣雙墩鄉有石臥地悲蒼涼土花斑剝人不識
其物獨歸江都汪色蒼氣腴質纈栗以物擊之聲琅琅
石高五尺濶二尺刻象其上分陰陽孔子適周見老聃
來雉齋詩集卷一

七

旁有弟子相肅將下爲庖厨作烹飪昭公饋鯉歌承筐
其背獸首銜玉環雜以甲士蜚廉翔是何意匠極精妙
圖畫劖刻良工良憶昔沛公東滅楚從龍將帥皆侯王
項繩提封國於此死當瘞此爲陰房我聞壽藏圖物象
邪卿妄欲齊彭殤厥後好事頗不少朱浮郭巨兼李剛
近來碑本世爭出人言藉藉稱武梁不若此石係初祖
巋然特立稱靈光君之先公得此石妥帖安置屋東廊
願君捶搗千萬本金薤石墨同珍藏好與蘭亭定武帖
他日貢之登玉堂

孟慈家藏
真定武本

擬古二首

美人隔天末日暮愁我心清風灑然來拂拂吹蘭襟昨
夢在君旁髣髴擁孤衾形容易憔悴秋思誰能禁胡爲
暫相見復若商與參握手憶往昔中情阻且深人生無
百年聚散多升沈安得久晤言對君調玉琴

移來幽蘭花馥馥揚其芳共處一室中坐久心亦忘舍
滋藉清露傷本愁秋霜靜對幽谷姿愛護踰尋常譬彼
同心言感此臭味長勸君莫折葉食之斷人腸

喜友人至條去書此遺悶

不雅齋詩集

卷一

十九

隔句驚見汝相見畏相離意遠神先動情深語較遲文
章敦舊約風雨憶前期頓爾匆匆去難禁別後思

冠卿來醉後同作長歌

厲生適自眞州來夜闌留汝銜深杯酒酣壯志忽勃發
高譚雄辨動八垓憶昔汝猶未及冠走馬獨上黃金臺
京兆再試得副貢此後意氣尤相諧少小出入對衡宇
歸來誦讀同秋齋近爲丞尉不得就日日賦詩傾尊壘
嗟余非少賤猶是東風恐不生枯荄讀書入世兩未可
中腸不覺爲之摧今歲淮南米大貴況以貧士悲吾儕

與汝青鬢能有幾且復轟飲驪顏開厲生厲生好相守
我與汝歌歌莫哀猖狂休作阮籍哭顧盼同有禰衡才
更莫驅逐隨塵埃人生萬事要自立勿以感激傷心懷
樓前浙澁飄寒雨共聽臘鼓聲聲催明年一棹泛春水
與汝鄧尉探新梅

人日飲陳氏江村贈主人上如茂才

廷標

江南山勢如奔馬盡到君家草堂下東風昨夜吹潮生
泛舟忽作江頭行我每羨君讀書處文章應得江山助
老萊自舞彩衣鮮袞袞師況美嬌兒譽媿我今已稱齊年

不雅齋詩集

卷一

二十

旅食亦在邗江邊奉親課子願未足何時歸種桑麻田
執君手酌君酒沙漫洲前人日來漁歌送入春烟隈柴
門沙路延暝色野鷗水鳥相徘徊明朝憶君那得免草
堂再寄新詩卷

端谿石研歌

端州谿石人珍奇我購得之不論貨紫雲一片大如掌
何年割取來於斯蟾蜍鴝鶒久罕觀幸獲潛璞陰山姿
攜歸位置青玉案猶疑光彩生水湄君不見于闐青鐵
歲入貢張華拜賜重一時又不見格蟀常同鹿角書庾